



Anndingol hakkeeji

Tottugol neddo nanngaado e yowre, jogordo nyaaweede doon e doon Walla nyaawiireede derewol teskuyaaji saggal ittugol ndeenka nyaawoore

A do woni les nyaawirde bononnda hakindiinde, a do wadaa e nanngal e yowre haa nyaawedaa wonande bonande nuumedaa nde Ngol derewol siftinta ko ko buri tiidde e hakkeeji ma

A do waawi mooftude ngol do derewol e sahaa mo nanngedaa o kala

Anndunde bononnda nde

A do jogii hakke anndunde sifaa, nyalngu e nokkuure nde bononnande nde tumeedaa nde wadaa e toognorde badde ma nanngeede e yowre de

Ballal avocat

A do jogii hakke subaande avocat mo njingaa ngam wallude ma walla laamu ngu noddono ma avocat

A do waawi noddondirde e winndondirde e avocat ma o, to o tindinaama o do jogii hakke arde o walluma

Hakke waasde haalde

To a a do nyaawee, a do waawi haalde, njaabaade to a naamndaama walla ndexxaa mbaasaa haalde

Addaneede ma pirtoowo e demngal nanataa ngal

To a haalata walla a nanataa faransee, a do jogii hakke addaneede, tawa a yovatta, firtanoowo ma ko aocat ma o haalata ko

Hakke naamndaande dassiteende

E sahaa kala, a do waawi nyaagaade nyaawirde yo nde dassite

Njuuteendi kadegol ndimaagu

A do nanngee haa nyalngu nyaawetedaa walla nyalngu nyaawtetedaa to nyaawirde banande hakindiinde nde

To nyaawwo ndimaagu e nanngal nanngii ma e yowre ngam nyaawde ma doon e doon, njuuteendi ngal nanngal burataa balde tati golleteede

To nyaawoowo ndimaagu e nanngal nangiima e yowre sabu waasde ma jabde heddaade e les ndeenka nyaawoore hade ma nyaaweede, ngal nanngal na waawi burde lebbi didi

To nyaawirde bononnda hakindiinde nde nanngii ma e yowre ngati nyaawoore nde dirtinaama, njuuteendi ngal nanngal waawaa burdi jonte jeego walla lebbi nayi, to tawii bononnda tuumedaa nde, nyaawoore mum na bura kaso duudi jeedidi

Kabarugol won e yimbe

Neddo fof mo ngidda a do jogii hakke habrude dum wonde ko a nanngaado, a do jogii hakke kadi habrude koreeji ma e musidbe ma

To a kodo, a do waawi kadi tindinde joodaniibe lesdi ma do e nder lesdi ndi

Cafroowo xeewtoo cellal

A do jogii hakke kadi naamndaade cafroowo ngam xeewtaade callal ma

Xeewgol derewol binndagol ko e fa'ti e ma

Avocat ma o do jogii hakke xeewde dereeji pa'tudi nanngal ma ngal, o do waawi nih hede natto majji Aan ne kay a do jogii hakke hevde natto majji